

## JUVE STABIA-TARDE= 3 A 1... D'A JATT'E' 'A COLPE...

L'ha mann't Aldo "Diecipalazzine"  
domenica 11 gennaio 2009

Ce 'a patron'jè ffesse?... accusi scrive Alèng Alòng, Domenico Candelli ca speriamè ca 'no me ddice niènde ce parle de jidde e d' 'a puisie sòve. E ssine! Ce còlpe tenime nuje ce 'u patrùne (Blasi) ha scuasciàte tutte còse?&hellip; ha fàtte scè sciucatùre accòmè SHALA, D'ALTERIO e CAZZOLA&hellip; de Cazzola no me ne fùtte proprje niènde ce se n'ha sciùte piccè ève bbuène sùle pe qualche programme d' 'a De Filippi&hellip; ('u marite de Maurizzie Costanze)&hellip; sùle 'u troniste a Uomini e Donne putève fa!

'U prime tièmpe ha fenite cu 'nu gòl appedùne... le napoletàne hònne segnàte ambrèsse ambrèsse e 'u Tarde strazzàte e arrepezzàte ca tenime ha riuscite a pareggià all'urtème menùte cu CARROZZA ca ha sckattàte 'na punizzione fèrma fèrma. Ma ce 'a patron'jè ffesse, 'u sapime, 'na brutta mbicelate de 'na jàtte se po zumbiglià 'u pesce da' cucine&hellip; e accusi ha successe. 'A Juve Stabbje, n'ha ffàtte 'a fèste e 'u secònde tièmpe&hellip; ha stàte birbante accome dice 'u titèle d' 'u libre sèmpre d'Alèng Alòng&hellip; ame pigghjate doje gòl. 'U prime, piccè 'a defèse stè durmève e 'u secònde pe 'nu regòre. Ce sckife! 'Na squadre scungegnàte quèdda nòstre&hellip; senza cerviedde&hellip; 'no stè 'nu sciucatòre ca cumàne&hellip; fa ca è l'armate de Brancalione. Hònne trasùte BARROTTI e doje uagnùne giuvène giuvène, CESAREO e RUSSO ma avime pèrse 'u stèsse. Ma accòmè dici 'u marite a' mughjère ca se faci fottère 'u pèsce sott' 'u ecchjè&hellip; cè colpe tène quèdda sbemmerate ce tu si ffesse, nate e cungriate?